

事物異名錄

事物異名錄卷三十一

急難 厲靜鄉先生荅 原輯

仁和 關晉軒先生槐 增纂

樹木部

總名

午日仙人 抱朴子山中午日稱仙人者老樹也 老樹

厯株駒 列子吾處也若厯株駒註李熙曰厯豎也株

駒樹本也崔譔曰厯株駒謂斷樹也 斷樹

神叢 戰國策應侯謂秦昭王曰亦聞恒思有神叢與

註神叢社樹也 社樹

姑繇 晉天子傳天子釣于河以觀姑繇之木註姑繇

大木也 以下大木

摸枋 表異錄摸枋大木也出齊東野語

季材 周禮山虞凡服耜斬季材註季猶穉也 釋木

林衣 宋之問詩林衣掃地輕按謂樹葉也 樹葉

松

五大夫 漢官儀秦始皇上泰山風雨暴至休於松下

因封其樹爲五大夫

十八公 吳錄丁固夢松生腹上謂人曰松字十八公

也後十八年吾其爲公乎後果與夢符

偃蓋山 金陵記有一使者牽一白犬問居何地曰居

偃蓋山至古松下而沒松形如蓋使者松精犬乃狹

苓耳又白犬雲仙雜記作白羊

木長官

杭州志於潛嶺上有古松一本盤錯奇怪嘗

有兄弟訟於有司夜行憇其下遲明辨色乃伯仲也
遂各悔咎息訟而還因名松爲木長官

支離叟

研北雜志鮮于伯機得怪松一株置齋前呼

爲支離叟朝夕撫玩之又柏亦名支離叟詳見後竹
蒼髯叟 山堂肆考晉僧法潛隱剡山或問勝友爲誰
乃指松曰此蒼髯叟也

木中仙

清異錄張薦明隱梁山林有古松十餘株謂

人曰此木中之仙也

涼繖樹

楊誠齋詩註筠州人號夾道松爲涼繖樹

宗老 林泉高致林石先理會一大松名爲宗老

壽嵐 清異錄壽嵐是松

鮓子南 雜林類事高麗方言松曰鮓子南

枯龍 元稹詩枯龍受寒月按謂松也

不臣木 孟郊詩松乃不臣木青青獨何爲

千歲材 蘇軾詩養此千歲材按謂松也

歲寒枝 元好問詩澗底孤松二千尺殷勤留看歲寒

枝

松釵 癸辛雜識凡松葉皆雙股故世以爲松釵

松葉

赤龍皮 羣芳譜松樹老皮名赤龍皮

松皮

艾納 廣志松樹皮上綠衣名艾納

松苔

松黃

本草綱目松花別名松黃

松花

松膏

松肪

松膠

松香

本草綱目松脂別名松

膏松肪松膠松香

以下松脂

瀝青

羣芳譜松香一名瀝青

飛節枝

抱朴子松樹皮中有聚脂狀如龍形名飛節

枝

琥珀孫

清異錄侯寧極藥譜琥珀孫松脂也

栢

栢

爾雅栢栢疏栢一名栢

鬼廷

漢書東方朔傳栢者鬼廷也師古註鬼神尙幽

故以松栢之樹爲廷府

五品大夫 河南志天封觀古栢唐武后封五品大夫
俗云大小將軍

蒼官 經外雜抄樊宗師絳守園亭記后山栢詩皆以
栢爲蒼官又表異錄以松爲蒼官

仙藥 續博物志栢是仙藥

槐

懷 本草綱目槐一名懷周禮外朝之法面三槐三公
位焉吳澄註云槐之言懷也懷來人於此也

音聲樹 南部新書都堂南門東道有古槐垂陰至廣
或夜聞絳竹之聲則省中有入相者俗謂音聲樹

玉樹 三輔黃圖甘泉谷北岸有樹今謂玉樹卽揚

雄所謂玉樹青葱也

不平生 清異錄崔鳳失志常陪友生夏月招涼于古槐下戲曰予不登九品此槐不得爲手板想亦助不平也是後明從呼槐爲不平生

錦心氏 繡腹郎 清異錄懿宗時求老槐於李殊莊腰刻小字曰錦心氏繡腹郎云殊之祖愛甚故刻記之

栴 附石栴

交讓樹 詩疏廣義栴木東邊榮西邊枯張華云交讓樹卽栴也一作交讓木

端正樹 太真外傳上發馬嵬行至扶風道旁見石栴

樹愛玩之因目爲端正樹 石楠

桃

仙木 說文仙木桃也

五木精 典術桃者五木之精能厭伏邪氣

五行精 荆楚歲時記桃者五行之精厭伏邪氣制百鬼

桑

著作林 東都事畧范純仁知襄城縣有惠愛課民種桑民號其桑爲著作林

子明 異苑老桑木字曰子明

臨安青 陸游詩手種臨安青註桑名

桑蘄 桑錢 本草綱目桑花一名桑蘄一名桑錢大
明曰生桑樹上白蘄如地錢花不是桑桃花也 桑花
栢

文章樹 清異錄張曲江第有古栢因風發其一根解
爲器具花紋甚奇人以公之手筆冠世目之曰文章
樹

梧桐

榮 爾雅榮桐木註卽梧桐

櫟 卑雅櫟一名櫟卽梧桐也

柔木 卑雅桐柔木也

白鐵樹 顏氏家訓有諱銅者呼銅爲鐵乃謂梧桐爲

白鐵樹

小義 清異錄劉靖家兄弟不異居西廊梧桐生穀枝
鄉人號岡爲小義

鳳條 西陽雜俎歷城房家園齊博陵君豹之山池其
中雜樹森竦有人折其桐枝者君曰何爲傷吾鳳條
青玉 白居易詩一枝青玉立按謂桐也

楊柳 附松楊柳柳柳

裊裊 詞林海錯陸龜蒙詩手攜裊裊佞若在中印國
裊裊唐言楊柳也

女兒腰 杜甫詩隔溪楊柳弱嫋嫋恰似十五女兒腰
蒲柳 崔荷 本草綱目楊枝硬而揚起故謂之楊多

宜水渼蒲葦之地故有水楊蒲柳葦符之名

扶移 蒲移 補筆談扶移卽白楊也亦謂之蒲移詩

疏曰白楊蒲移是也按扶移或作夫移爲唐棣名

義孫 清異錄劉靖家兄弟不異居墳中白楊生檜鄉人號白楊爲義孫

天棘 通志柳曰天棘王元之詩天棘舞金絲

漏春和尚 清異錄新栽柳樹必用泥封其顛頗類比邱頂元伯玉宅前插柳初春吐芽伯玉曰且得漏春和尚一一無恙蓋取杜子美詩有漏洩春光有柳條之句

尼俱律陀木 本草綱目寇宗奭曰釋家謂柳爲尼俱

律陀木

涼木 本草綱目松楊其材如松其身如楊故曰松楊
爾雅云涼即來也其陰可蔭涼故曰涼木江西人呼
爲涼木松楊

河柳 三眠柳 觀音柳 長壽仙人柳 三春柳

羣芳譜檉柳一名河柳一名三眠柳一名觀音柳一
名長壽仙人柳即今俗呼謂三春柳也 以下檉柳

赤楊 雨師 垂絲柳 人柳 本草綱目檉柳一名

赤楊一名雨師一名垂絲柳一名人柳羅願爾雅翼
云天將雨檉先知之起氣以應又負霜雪不凋乃木
之聖者也故字從聖又名雨師或曰得雨則垂垂如

絲當作雨絲又三輔故事云漢武帝苑中有柳狀如人號爲人柳一日三起三眠則檉柳之聖又不獨知雨負雪而已

鬼柳 柜柳 本草綱目檉柳一名鬼柳郭璞註爾雅作柜柳 檉柳

梓

木王 埤雅梓爲木王蓋木莫良於梓故書以梓材名篇禮以梓人名匠也

相思樹 九域志韓憑自殺妻投臺而死有梓木生於二冢根交于下人號曰相思樹又韓憑搜神記作韓朋

楸

楸 椅 爾雅槐小葉曰楸註槐當爲楸楸細葉者爲
楸又椅梓卽楸也按桐亦名椅與此不同

楸

鼠梓 虎梓 爾雅楸鼠梓疏鼠梓一名楸郭云楸屬
也今江東有虎梓其樹葉木理如楸今人謂之苦楸
是也說文椅梓楸櫟一物四名

榆

粉 爾雅榆白粉疏榆之皮色白名粉

零 羣芳譜榆一名零又本草綱目名零榆

義祖 清異錄劉靖家兄弟不異居宅旁榆樹生桑鄉

人號榆爲義祖

韡韡樹 清異錄金谿路上一老榆往來者就樹下以
草屨側以其舊懸而去行人指爲韡韡樹

牡樺 庶物異名疏周禮壺涿氏云以牡樺午貫象齒
而沈之牡樺榆木也

無姑 爾雅無姑其實夷註無姑姑榆也按廣志榆有
姑榆有郎榆

蕪蕪 蕪莖 說文榆有刺莖曰蕪蕪曰蕪莖

械

白桮 白楸 白栢 詩疏械卽柞也其材理全白無
赤心者爲白桮今人謂之白楸或曰白栢

樸

駁馬 補筆談梓榆南人謂之樸齊魯間人謂之駁馬
樸亦言駁聲之訛耳詩隰有六駁是也

椿

樛 純 荷 羣芳譜椿一作樛一作純一作荷今俗

名香椿

樛

臭椿 虎目樹 大眼桐 羣芳譜樛亦椿類氣臭俗

名臭椿一名虎目樹一名大眼桐

山椿 本草拾遺北人呼樛爲山椿

婆娑羅樹 河洛記洛陽北嶺上有古樛婆娑在伊闕

正南相當越公等建都之日據此樹以定南北嫌栲
木名惡號曰婆娑羅樹

栲 本草綱目山栲名栲 山栲

櫟

木蓼 柞 栩 杼 陸璣詩疏秦人謂柞爲櫟河南

人謂木蓼爲櫟又栩今櫟也徐州謂櫟爲杼

楓

楸 說文楓木善搖一名楸楸蓋楓攝天風則鳴故

云

桂

榿木 格物叢話桂榿木也

圭木 清異錄韓恭叟離合巖桂二字爲巖山圭木圭木謂桂也

幽隱樹 唐于武陵山中桂詩忽逢幽隱樹

詵枝 蟾枝 羅隱詩官署詵枝老林寬詩蟾枝交影侵蘭署按詵枝蟾枝皆謂桂也

榭

樸欒 大葉櫟 本草綱目榭名樸欒俗名大葉櫟

金雞樹 唐書登封壇南有榭樹大赦日於其杪置金雞改名金雞樹

杉

被貼 南方草木狀杉一名被貼

沙木 倭木 本草綱目杉一名沙木出倭國者謂之

倭木

參木 檄木 格古要論杉木俗呼曰參木又曰檄木

赤水樹 事物紺珠赤油杉色赤而堅有油又名赤水樹

野雞斑 本草綱目杉有赤白二種赤杉實而多油白

杉虛而乾燥有斑文如雞者謂之野雞斑

檀

攪檀 漢書註攪檀檀別名

杻

櫨 土櫨 爾雅杻櫨疏杻一名櫨郭云關西呼杻子

一名土樞、

萬歲 牛筋 詩疏、柎、櫨也、此樹今官園種之、正名曰萬歲、既取名於億萬、其葉又好、故種之、或謂之牛筋、或謂之櫨、材可爲弓弩幹也、又南燭草亦名牛筋、

櫨 靈壽 本草綱目、陸氏詩疏云、櫨卽櫨也、節中腫似扶老、卽今靈壽也、人以作杖、

枸

枸骨 木蜜 陸璣詩疏、枸樹一名枸骨子、大如指、噉之甘美如飴、今官園種之、謂之木蜜、

猫兒刺 羣芳譜、枸骨卽俗呼猫兒刺者、

白石樹

物類相感志、枸樹江南謂之白石樹

千歲

廣志木密樹號千歲

榘

赤蘿

山梨

鹿梨

鼠梨

詩鴈有樹榘陸璣疏榘

一名赤蘿一名山梨一名鹿梨一名鼠梨

羅錦

卑雅榘一名羅亦有花者俗謂之羅錦猶言杉

錦棟綾也

似

鷓鴣

羣芳譜鳥相一名鷓鴣相或作鷓舅

楮

穀桑

楮桑

詩疏穀、幽州人謂之穀桑或曰楮桑荆

揚交廣謂之穀中州人謂之楮

棉

瓊枝

梧潯雜佩木棉一名瓊枝

吉貝

睽婆

正字通通雅曰吉貝卽劫貝木棉樹也

南史古貝卽吉貝吉譌作古又佛書謂之睽婆又曰迦婆羅劫貝也卽木棉樹孟康言閩中呼棉花爲吉貝又棉布亦名吉貝

古終 本草綱目木棉有二種似木者名古貝似草者名古終

攀桂花

班枝花

攀枝花

閩部疏木棉花惠安志

名爲攀桂花楊用修乃曰班枝花與吳中所稱攀枝

蓋三名實一物也。棉花

皂角

烏犀 懸刀 羣芳譜皂角一名皂莢一名烏犀一名

懸刀

雞栖 急就篇註皂角樹一名雞栖、

忽野簪默 阿梨去伐 酉陽雜俎皂莢波斯國呼爲

忽野簪默拂林國呼爲阿梨去伐

元房仲長統 清異錄侯寧極藥譜元房仲長統皂莢也

櫟櫚

枿櫚 格物總論櫟櫚一名枿櫚又枿櫚或作并閭

鬣葵 蒲葵 一丹鉛總錄櫻櫚一名鬣葵一名蒲葵

棕櫚 羣芳譜櫻櫚俗作棕櫚皮中毛縷如馬之鬣
故云

櫻魚 櫻筍 本草綱目棕櫚木三月於木端莖中出
數黃苞苞中有細子成列狀如魚腹孕子謂之櫻魚
亦曰櫻筍 櫻子

銀杏樹

公孫樹 彙苑銀杏樹名公孫樹言其實久而後生公
種而孫方食也

荔枝樹

將軍樹 蘇東坡詩序陳文惠公祠下有手植荔枝郡

人謂之將軍樹

桃榔

姑榔 麵木 董櫟 鐵木 本草綱目桃榔一名姑

榔一名麵木一名董櫟一名鐵木

荆樹

楚 本草綱目荆生成叢而疎爽故謂之楚濟楚之義

榔樹

酒樹 類書酒樹榔也

唐棣

大棣 蜀雅唐棣移疏唐棣一名棣郭云似白楊江東呼大棣後唐棣與棠棣異棠棣郁李也入藥部

梭楊 高飛 獨搖 古今注梭楊江東呼爲夫梭微

風則大搖故名高飛又曰獨搖又金燈草亦名獨搖

菩提樹

貝多 思惟樹 畢鉢羅 嵩山記嵩高寺中有思惟

樹卽貝多也如來坐貝多下思惟因以爲名按西陽

雜俎菩提樹亦名思惟樹西域志謂之畢鉢羅然則

貝多菩提特一樹耳

娑羅樹 七葉樹 菴羅樹 波羅樹 成道樹 華

夷花木攷娑羅樹出西番海中潯州官圃一株甚巨

每枝生葉七片所謂七葉樹也其樹詳於佛書維摩

詰經有菴羅樹唐會要云菩提樹一名波羅樹卽思

惟樹一名成道樹又名波婆羅樹蓋婆娑音同故有言
之耳今月中樹影皆曰閣浮山娑婆樹影卽此
無患子 本草綱目菩提子一名無患子 菩提子

竹

簞 爾雅簞竹疏簞則竹之別名

此君 晉史王徽之嘗借居空宅中便令栽竹曰何可
一日無此君耶

滔浴 郡國志儋州滔浴井與淪水通有人以竹置井
口淪水得之人呼竹爲滔浴因以爲名

天帚 荊州記天門山角上特生一竹倒垂拂拭謂之
天帚又風亦名天帚

掃雲帚 竹譜廬山出竹莖大如指竹杪細葉密翠如帚人謂之掃雲帚

虛中子 清異錄三堂人家石柱礎有文曰虛中子生成記云虛中子姓節氏化龍之後也與笙簫合壽鳳支離叟堅文同志莫逆生子苗封甘飢侯疑是昔人種竹記鳳是松支是栢苗是筍

圓通居士 清異錄比邱海光夢一人自稱圓通居士按謂竹也詳見前杖

碧虛郎 凌雲處士 卓立卿 銀綠大夫 清異錄夏清侯傳云曾大父碧虛郎大父凌雲處士父以卓立卿自名就拜銀綠大夫按謂竹也

管若虛 洪璣有管若虛傳按謂竹也

妬母草 山堂肆考俗呼竹名妬母草言筍生旬有六

日而齊母也

獨筍 清異錄李栖筠家號竹爲獨筍

貞幹臣 沈約修竹彈芭蕉文云淇園長貞幹臣修竹

稽首言

綠卿 清異錄王彪臨池賦云綠卿高拂宿烟霧以參

差綠卿謂竹也

明玕 竹坡詩話淵明讀山海經云亭亭明玕照明玕

謂竹也

寒玉 正字通寒玉竹別名

瀟碧 孟郊韓愈城南聯句瀟碧遠輸委按謂竹也

青帝仗 皮日休詠竹詩儼若青帝仗蟲似紫姑屏

綠玉君 韓偓竹詩不厭東溪綠玉君天璫雙鳳有時

閒

青嵐帶 陳陶詠竹詩青嵐帶亞思君祖綠澗偏多憶

蔡邕

蛇祖 梅堯臣詩蛇祖龍孫生屋後按謂竹也

碧玉椽 蘇軾詩曹慈寺後千竿竹醉後曾看碧玉椽

抱節君 蘇軾詩寄語菴前抱節君按謂竹也

青士 楊萬里詩青士何年下大龍按青士謂竹也

不秋草 馬天來詠竹詩人天解種不秋草

林筴 防露 詞林海錯竹一名林筴卽袁公與越女

試劒竹也曰防露蜀竹也曰金猫其節有金色

越竹蜀竹

澀勒 表異錄嶺南竹曰澀勒蘇軾詩澀勒貽蠻村

竹

聆風 韋莊禹貢註箇竹一名聆風

箇竹

赤玉脂 海錄碎事赤玉脂桃竹也

桃竹

青蛇枝 海錄碎事青蛇枝苦竹也

苦竹

紅鵲尾 海錄碎事紅鵲尾青竹也

青竹

紫雲蓋 海錄碎事紫雲蓋慈竹也

以下慈竹

子母竹 孝竹 述異記詩義南中生子母竹今慈竹

是也漢章帝三年子母竹筍生白虎殿前時謂之孝

竹

釣絲竹 花木考慈竹秋筍高數丈尾甚柔細如釣絲
又名釣絲竹又類書釣絲竹山海經所謂囂水之北
多釣端竹也疑卽此是

貓頭竹 潭竹 事物紺珠貓竹一名貓頭竹其根類
貓頭又名潭竹羣芳譜貓竹一作茅竹又作毛竹
陶枝 物類相感志櫻竹亦名陶枝 以下櫻竹

實竹 正字通櫻竹一名實竹

淚竹 湘妃竹 事物紺珠斑竹有點暈又名淚竹又
名湘妃竹 斑竹

簞 籜 說文楚謂竹皮曰簞又字書籜竹皮也 竹皮

升斤 草華 本草竹葉名升斤竹花名草華

竹葉竹花

練實 莊子鵪雛非練實不食註練實竹實也又名竹

米 竹米

金姑聲 海錄或問鬼所惡答曰最惡金姑聲聞人謂

破竹聲爲金姑聲破竹聲

事物異名錄卷三十三

慈谿 厲靜菴先生荃 原輯

仁和 關晉軒先生槐 增纂

花卉部

總名

芎 苳 爾雅華芎也木謂之華草謂之榮註今俗呼
草木華初生者爲芎

薔 葩 廣雅薔葩菁薔花華也

花足 丹鉛續錄或問花蒂何以曰跗曰蒂者花足也
故字從足束哲補亡詩白華素足亦指花蒂爲足也

花
蒂

花當 庶物異名疏花當花根也杜詩危沙折花當

花根

梅

清友 山堂肆考曾端伯以梅爲清友又茶亦名清友

清客 王氏景范張景脩號梅花曰清客

天下尤物 梅譜梅天下尤物

世外佳人 桂林記袁豐居宅後有梅六株嘗曰冰姿

玉骨世外佳人但恨無傾城之笑耳

君子香 清異錄吳門于永錫專好梅花吟十二香詩

一名君子香

狀元花 咸淳臨安志徐清叟淨明院和御製詩衝凍

細尋梅信息枝頭喜見狀元花

驛使 老學菴筆記國初尙文選故梅必稱驛使

香雪 湖孺雜記湖墅有三勝地西溪之梅名曰香雪

玉奴 蘇軾詩月地雪階漫一尊玉奴終不負東昏按
玉奴謂梅也

癯仙 陸游詩凌厲冰霜節愈堅人間那有此癯仙按
癯仙亦謂梅也

瓊兒 元日能咏梅詩天上瓊兒白玉肌

白玉條 張謂詩一樹寒梅白玉條

玉霄神 釋明本梅花詩朶中飛下玉霄神

九疑仙人 梅譜綠萼梅比之九疑仙人 綠萼梅

玉龍懸 風月堂雜識玉龍懸浙中謂之睡梅 睡梅

桃

銷恨花 助嬌花 開元遺事明皇時禁苑中有千葉桃盛開帝曰不特萱草忘憂此花亦能銷恨嘗親折一枝插妃子寶冠上曰此箇花尤能助嬌態也今呼千葉桃爲助嬌花

天采 山堂肆考天采桃花也

妖客 西溪叢語桃花爲妖客

紅雪 湖孺雜記湖墅有三勝地河渚蘆花名秋雪西溪梅名香雪則皐亭之桃亦可名紅雪矣

輕薄花 杜甫詩輕薄桃花逐水流

解語花 蘇軾江行見桃花詩我觀解語花粉色如黃

上

李

葦綃 高隱外書葦綃開萬朵葢葦綃白而輕一時所
尙按謂李花也

杏

艷客 西溪叢語杏花爲艷客

梨

瀛洲玉雨 清異錄司空圖菩薩蠻謂梨花爲瀛洲玉
雨

淡客 西溪叢語梨花爲淡客

白雪香 李白詩梨花白雪香

瑞香

睡香 清異錄瑞香始緣一比邱晝寢磐石上夢中聞花香酷烈及既覺尋求得之因名睡香四方奇之謂爲花中祥瑞遂以瑞易睡

露甲 說楮楚辭露甲卽今之瑞香

麝囊 羣芳譜瑞香花名麝囊

興瑞花 益州方物畧記瑞香花繁密若綴先後相繼蜀人號豐瑞花

殊友 山堂肆考曾端伯以瑞香爲殊友

佳客 花木考張敏叔以瑞香爲佳客

閨客 西溪叢語瑞香爲閨客

紫風流

清異錄廬山僧舍有麝囊花一叢色正紫類

丁香號紫風流江南後主詔取植于移風殿賜名紫

蓬萊

錦薰籠

東坡別集瑞香今馬塍種最多大者名錦薰

籠

玉蘭

迎春

學圃雜疏玉蘭早于辛夷故宋人名以迎春當

其盛時可稱玉樹

辛夷

木筆

羣芳譜辛夷花開初生枝頭苞長半寸而尖銳

儼如筆頭故又名木筆

侯桃 格物總論辛夷紫苞紅焰一名侯桃

木房 正字通木筆花最早卽離騷所謂辛夷者一名

木房象苞形又本草經作房木

迎春 本草綱目木筆花最早南人呼爲迎春又玉蘭

亦名迎春

紅白簫 草木小乘辛夷花鮮紅似杜鵑俗稱紅白簫

是也

留夷 宋玉風賦檠辛夷顏師古註辛夷一名留夷

新雉 揚雄甘泉賦列新雉于林薄服虔註卽辛夷雉

夷聲相近也

第一花 陸游初夏詩木筆猶開第一花

山茶

曼陀羅 羣芳譜山茶一名曼陀羅

鶴頂紅 花譜山茶一名鶴頂紅

風茄兒 山茄子 本草綱目曼陀羅花一名風茄兒
一名山茄子

惡客 西溪叢語曼陀羅爲惡客

照殿紅 草木志山茶花有數種照殿紅最佳者

寶珠 學圃餘疏山茶最重寶珠花大而心繁以蜀茶
稱

月丹 郝經陵川集詩註王承宣云山茶大者曰月丹
玉茗 都勝 海紅 陶弼詩淺爲玉茗深都勝大曰

山茶小海紅

清人樹 清異錄譌閩甘露堂前兩株茶官人呼爲清人樹

丁香

百結花 山堂肆考江南人謂丁香爲百結花
素客 花木考宋張景脩以丁香爲素客
情客 西溪叢語丁香爲情客

海棠

川紅 海棠譜江左謂海棠爲川紅

花中神仙 百花譜海棠爲花中神仙

名友 山堂肆考曾端伯以海棠爲名友

蜀客 三柳軒雜識海棠爲蜀客

富貴花 陸游飲海棠花下詩何妨海內功名士共賞

人間富貴花

花命婦 花戚里 牡丹榮辱志重葉海棠曰花命婦

多葉海棠曰花戚里

西府 紫綿 學圃餘疏海棠品類甚多就中西府爲最其名紫綿者尤佳

杜鵑

川鵑花 草花譜杜鵑出蜀中者佳謂之川鵑花

映山紅 紅躑躅 容齋隨筆杜鵑花乃今映山紅又

名紅躑躅

山石榴 山躑躅 格物總論杜鵑花一名山石榴又
名山躑躅

山客 西溪叢語躑躅爲山客

謝豹花 廣事類賦杜鵑一名謝豹花

山礬

鄭花 韻會山礬一名鄭花

旋花 黃山谷詩序江南野中有一種小白花高數尺

春開極香野人謂之旋花王荆公陋其名予請名曰

山礬野人採旋花葉以染紫不待礬而成色故名

芸香 瑒花 春桂 本草綱目山礬一名芸香一名

瑒花一名春桂

海桐 學圃餘疏山礬一名海桐樹

七里香 格物總論山礬香氣濃郁號七里香又芸亦名七里香

薔薇

山棘 牛棘 牛勒 刺花 刺紅 本草綱目薔薇蔓生柔靡依牆故名牆薔其莖多棘刺勒人牛喜食之故有山棘牛棘牛勒刺花諸名其子成簇如營星故謂之營實又格物總論名刺紅

賈笑 賈氏說林漢武與麗娟看花薔薇始開態若含笑帝曰此花絕勝佳人笑也麗娟戲曰笑可買乎帝曰可娟奉金百斤爲買笑錢薔薇名買笑以此

錦被堆花 益州方物記俗謂薔薇爲錦被堆花

玉雞苗 清異錄東平許司馬後圃薔薇花根下掘得
一石如雞狀五色燦然遂呼薔薇爲玉雞苗

野客 三餘贅筆張景脩以薔薇爲野客

山棗 本草薔薇一名山棗

牡丹

鹿韭 鼠姑 花王 木芍藥 通志草木畧牡丹一

名鹿韭一名鼠姑諸花皆用其名惟牡丹獨言花故
謂之花王本無名依芍藥得名故其初曰木芍藥

花后 山堂肆考牡丹一名花后

白木 廣雅白木牡丹也

百兩金 藥苑南人謂牡丹爲百兩金

雄紅 花譜牡丹一名雄紅

醒酒花 天寶遺事明皇宿酒初醒凭西子肩同看牡丹上折一枝與妃子遞嗅曰此花香艷尤能醒酒今名木芍藥爲醒酒花

頃刻花 太平廣記韓文公姪孫湘自言能開頃刻花乃聚土以盆覆之俄生碧牡丹二朶葉上有小金字一聯

富貴花 周濂溪愛蓮說牡丹花之富貴者也又海棠亦名富貴花

大北勝 清異錄南漢見北人盛誇嶺海之強世宗遣

使入嶺館接者遺茉莉文其名曰小南強及銀主面
縛僞臣到闕見洛陽牡丹大駭有縉紳謂曰此名大
北勝

貴客 花木雜考宋張景脩以牡丹爲貴客

第一香 唐皮日休詩競誇天下無雙艷獨占人間第
一香

姚黃花 蘇軾詩洛陽相君忠孝家可憐亦進姚黃花
按姚黃者千葉黃牡丹出於民姚氏家故云

洛陽花 胡元質牡丹記蜀中自李唐後未有此花凡
圖書皆名洛陽花又石竹花千葉者亦名洛陽花
杜鵑紅 鸚鵡白 亳州牡丹史牡丹名杜鵑紅鸚鵡

白

楊家紅 一捻紅 青瑣高議仙春館有楊家紅貴妃
勻面口脂在手印於花上來歲花開有指印紅迹故
名一捻紅

瑞雲紅 劉賓客嘉話渾侍中宅牡丹徑尺名瑞雲紅
鶴翎紅 歐陽修洛陽牡丹記鶴翎紅其末白而本肉
紅如鴻鵠羽色

京花 川花 種樹書牡丹千葉者蜀人號爲京花謂
洛陽種也單葉者只號爲川花

芍藥

離草 韓詩外傳芍藥離草也

可離 將離 古今注芍藥一名可離故將別以贈之
亦名將離

婪尾春 清異錄唐宋文人有謂芍藥爲婪尾春者婪
尾酒乃最後之杯芍藥殿春亦得是名

白犬 羣芳譜昔有獵於中條山見白犬入地中掘得
一草根攜歸植之乃芍藥也故謂芍藥爲白犬

艷友 三餘贅筆曾端伯以芍藥爲艷友

花相 楊誠齋詩好爲花王作花相按花相謂芍藥也
第一嬌 楊允孚詩揚州簾捲東風裏曾惜名花第一
嬌按謂芍藥也

小牡丹 埤雅芍藥有千葉者俗呼小牡丹

黑牽夷

廣雅黑牽夷芍藥也又牽夷芍藥名

縷金囊

聚香絲 廣事類賦縷金囊聚香絲皆芍藥

名

疊香英

花譜紫芍藥一名疊香英

金帶圍

后山叢話廣陵芍藥有紅瓣黃腰者號金帶

圍

玉盤盂

東坡詩序東武舊俗每歲四月以芍藥供佛

而今歲最盛中有白花正圓如覆盂其下十餘葉承之如盤姿格絕異因名之曰玉盤盂

酴醾

韻友

詞話曾端伯取友於十花韻友酴醾也

雅客 三餘贅筆張景脩以醑醑爲雅客

才客 西溪叢語醑醑爲才客

雪纓絡 清異錄薛熊賞醑醑詩云香瓊綬帶雪纓絡

賽白 蔓君 四字天花 花聖人 傳粉綠衣郎

獨步春 沉香密友 清異錄陶子名客爲醑醑開樽

坐人共撰小名有七曰賽白曰蔓君曰四字天花曰

花聖人曰慈恩傳粉綠衣郎曰獨步春曰沉香密友

紫荊

滿條紅 羣芳譜紫荊一名滿條紅

虬蟬 火蟣 爾雅翼其荊紫荊春時開花紫色自根

及幹連接甚密有類蟣窠故爾雅名虬蟬俗曰火蟣

紫珠

本草別錄紫荊一名紫珠

玫瑰

徘徊

羣芳譜玫瑰一名徘徊

梅槐

資暇錄梅槐時人謂之枚榲實語訛強名也當

呼爲梅槐江陵記云洪亭村下有梅槐樹因梅與槐
合生而名今玫瑰葉形處梅槐之間取此爲證不乃
近乎

離娘

農圃書玫瑰俗呼爲離娘草大凡花木不宜常

分獨此花嫩條新發勿令久存移別地則茂

刺客

西溪叢語玫瑰爲刺客

木槿

舜華

舜英

詩顏如舜華又顏如舜英陸璣疏舜

名木槿

日給華

卑雅木槿朝開暮落篤論曰日給之華

日及

王蒸

格物總論槿花朝開暮落一名日及亦

曰王蒸

麗木

花奴

本草綱目木槿名麗木一名朝開暮落

花一名藩籬草一名花奴

瘧子花

千金方小兒不可弄槿花惹病瘧槿爲瘧子

花故也

裏梅花

桂海花志裏梅花卽木槿紅白二種葉似蜀

葵采紅者連葉包裹黃梅鹽漬暴乾可以薦酒

時客 西溪叢語木槿爲時客

朝菌 潘尼賦序朝菌者朝華暮落世謂之木槿按正字通謂菌非木槿合爲一物

佛桑

照殿紅 花木考佛桑葉似桑花深紅俗呼照殿紅又寶石山茶皆名照殿紅

扶桑 羣芳譜東海日出處有扶桑樹佛桑花光燄照日似之故亦名扶桑

朱槿 赤槿 日及 本草綱目扶桑一名佛桑一名朱槿一名赤槿一名日及此乃木槿別種故有日及諸名

木香

禁花 曲洧舊聞木香京師初無此花始禁中有數架
花時民間或得之相贈遺號禁花今則盛矣

罌粟

米囊花 御米花 米穀花 羣芳譜罌粟一名米囊
花一名御米花一名米穀花

賽牡丹 錦被花 本草綱目罌粟曰麗春又曰賽牡
丹曰錦被花按羣芳譜麗春罌粟別種故另列於後
麗春

虞美人 百般嬌 農圃書麗春一名虞美人又名百
般嬌

滿園春 學圃餘疏虞美人名滿園春

仙女蒿 定參草 龍羊草 本草註麗春草一名仙

女蒿一名定參草並呼爲龍羊草

仙人草 謝惠連贊園有嘉草名曰仙人按謂虞美人
草也

舞草 山堂肆考虞美人草謂之舞草雅州有之

瓊花

玉藥花 散水花 西溪叢語唐昌觀玉藥花今之散

水花揚州瓊花今之聚八仙但木老耳野客叢書據
春明退朝錄招隱玉藥卽后土瓊花然則玉藥自是
瓊花也又水仙亦名玉藥花

仙客 西溪叢語瑣花爲仙客

木蘭

林蘭 杜蘭 木蓮 黃心 本草綱目木蘭一名林
蘭一名杜蘭一名木蓮一名黃心其香如蘭其花如
蓮其心黃故有諸名

女郎花 白居易題令狐家木蘭花詩從此時時春夢
裏應添一樹女郎花

錦帶

鬢邊嬌 成都古今記錦帶花一名鬢邊嬌

海仙 王禹偁詩序錦帶花初得於海島間好事者以
海棠爲花中神仙子謂此花不在海棠下宜以仙爲

號又取始得之地命曰海仙

文官花

杜詩註錦帶花一名文官花

玉簪

白鶴仙

季女

羣芳譜玉簪一名白鶴仙一名季女

又鶴或作萼

花戚里

牡丹榮辱志玉簪爲花戚里又多葉海棠亦

名花戚里

綠粧嚴

清異錄常保衡呼玉簪爲綠粧嚴

水仙

女史花

姚女兒花

內觀目疏姚姒夢觀星墜地化

爲水仙花覺而產一女令淑有文觀星卽女史故今

事物異名錄

卷三十三

十四

水仙名女史花又名姚女兒花

配元 儺蘭 女星 三餘帖配元卽今水仙也一名

儺蘭亦名女星

雅蒜 太平清話寶慶人呼水仙爲雅蒜

雅客 三柳軒雜記水仙爲雅客又醪醕亦名雅客

歲寒友 學圃雜疏其性得水則不枯故曰水仙真歲

寒友也

金盞銀臺 洛陽草木記水仙宛然盞樣故名金盞銀

臺

波上靈妃 係齊之詩却疑波上步靈妃按謂水仙也

凌波仙子 黃庭堅詩凌波仙子生塵襪按謂水仙也

粟玉花

玉蕊花

黃玉花

黃庭堅水仙詩折送南

園粟玉花又折送南園玉蕊花又糞壤能開黃玉花

玉玲瓏

羣芳譜水仙千瓣者名玉玲瓏

唐棣

附棣棠

棣花

詩疏唐棣一名棣花

金梔

藝花譜唐棣花單葉者名金梔

俗客

西溪叢語棣棠爲俗客

棣棠

長春

金盞

杏葉

本草綱目金盞草一名杏葉草一名長

春花周憲王曰金盞花大如指頭黃色如盞四時不

絕

刺桐

鸚哥花

正字通刺桐花雲南名鸚哥花花形似之

蠶豆

水墨花

徐時夏初夏卽事詩蠶豆新開水墨花

梔子

木丹

簪蔔

本草經梔子一名木丹佛書稱其花爲

簪蔔

楸桃

廣雅梔子楸桃也

禪友

山堂肆考曾端伯以簪蔔爲禪友

花彤史

牡丹榮辱志簪蔔花爲花彤史

鮮支

類書上林賦有鮮支卽梔子樹也

林嶺 格物總論梔子一名簷蔔其差大者謝靈運目
爲林嶺

石榴

安榴 格物叢話榴花來自安石國故曰石榴亦曰安
榴有來從新羅國者以海榴名之

丹若 本草綱目若木乃扶桑之名榴花似之故有丹
若之稱

村客 酉溪叢語石榴爲村客

塗林 表異錄陸機與弟書張騫使外國得塗林塗林
謂安石榴也

石醋醋 博物志崔元微遇數美人李氏陶氏皆衆花

之精有緋衣少女曰石榴醕者乃石榴也

百花王 白居易石榴花詩好差青鳥使封作百花王

夜合

合歡 合昏 格物論夜合花一名合歡一名合昏

青棠 古今注青棠合歡也榷之庭除使人忿

蠲忿 嵇康養生論合歡蠲忿萱草忘憂

萌葛 烏頭 尸利灑 百一選方夜合俗名萌葛越

人謂之烏賴樹金光明經謂之尸利灑樹

有情樹 琴芳譜夜合亦云有情樹若各自種則無花

馬膝花 本草合歡花一名馬膝花

茉莉

鬘華 羣芳譜茉莉佛書名鬘華謂可飾頭髮也

奈花 丹鉛錄晉書都人簪奈花爲織女帶孝卽今茉莉佛書茉莉花言奈花也

抹厲 沒利 抹利 末利 末麗 丹鉛錄洛陽名

園記云遠方奇卉如紫蘭抹厲王梅溪集作沒利又作抹利朱文公集作末利洪景廬集作末麗

暗麝 格物叢話茉莉花東坡目爲暗麝詩曰暗麝著人簪茉莉

雅友 三餘資筆曾端伯以茉莉爲雅友

遠客 花木考宋張景脩以茉莉爲遠客

狎客 本草綱目抹麗韋君呼爲狎客

小南強 清異錄茉莉名小南強詳見前牡丹

萼綠君 墨莊漫錄閩廣多異花而茉莉爲冠顏持約

愛而賦詩云嶺頭暑正煩見此萼綠君

狗牙 雪瓣 本草綱目有似茉莉而瓣大其香清絕
者謂之狗牙亦名雪瓣

素馨

耶悉茗 格物叢話素馨舊名耶悉茗與茉莉花皆從

西域移入

野悉蜜 龜山志素馨一名野悉蜜

韻客 西溪叢話素馨爲韻客

蕃荂花 荆楚新話製龍涎香須素馨花素馨惟蕃荂

者尤香龍涎以得蕃巷花爲正

花嬖倖 牡丹榮辱志茉莉素馨爲花嬖倖

荷

芙蕖 爾雅荷芙蕖又古作扶渠詩疏作夫渠

水旦 水華 水芝 澤芝 雷芝 古今注白荷花

名又水萍亦名水華冬瓜亦名水芝

水芸 廣事類賦註蓮花一日水芸

孰輦 金史國語解孰輦蓮也

玉環 三餘帖蓮花一名玉環

淨友 山堂肆考曾端伯以蓮爲淨友

溪客 西溪叢語蓮爲溪客

君子花 周茂叔愛蓮說蓮花之君子者也

草芙蓉 杜詩註芙蓉卽蓮花也產于陸者曰木芙蓉

產于水者曰草芙蓉

朱華 曹植詩朱華冒綠池

天女 蘇轍詩蓮花生淤泥淨色比天女

凌波女 晏叔原秋蓮詞紅腰青腰舊識凌波女

水宮仙子 張文潛詩水宮仙子鬪紅粧按謂蓮花也

菡萏 詩隰有荷華箋未開曰菡萏已發曰芙蕖

芬陀利花 優鉢羅花 波頭摩花 記纂淵海佛書

云芬陀利花白蓮也優鉢羅花青蓮也波頭摩花赤

蓮也

華草

孝經援神契王者德至於地則華草感注並頭

蓮也

以下並頭蓮

合歡蓮

同心蓮

真珠船雙頭蓮卽合歡蓮一名嘉

蓮一名同心蓮

水葢

唐人詞荷拍水葢

以下荷葉

鴛鴦葢

鄭谷詩多謝院溪人不折雨中留得葢鴛鴦

葵

一丈紅

南方草木記浙中人種葵俗名一丈紅

忠客

西溪叢語葵爲忠客

衛足花

董師植午日詩衛足花前弔鮑莊按左傳鮑

莊子之智不如葵葵猶能衛其足

鴨腳 格物論葵有鴨腳之名

紫露 承露 爾雅終葵紫露註承露也大莖小葉花

紫黃色又幘亦名承露 終葵

芘芣 古今注荆葵一名戎葵一名芘芣一名蜀葵按

卽詩所謂葍也又紫荆亦名芘芣 蜀葵

鍍金木槿 湘烟錄溫庭筠曰黃葵是鍍金木槿 黃葵

硫黃杯 陳司封詩秋風似學金丹術戲把硫黃製酒

杯按謂秋葵也 以下秋葵

側金盤 羣芳譜秋葵一名側金盤

蘭

國香 左傳蘭有國香人服媚之

百草長 元覽蘭爲百草之長

芳友 山堂肆考曾端伯以蘭爲芳友

王者香 琴操孔子見隱谷之中幽蘭獨茂嘆曰夫蘭
爲王者香今乃與衆草伍乃援琴作猗蘭操

第一香 清異錄蘭無偶稱爲第一香又牡丹亦名第
一香

香祖 清異錄江南人以蘭爲香祖

馨列侯 清異錄唐國主賞新蘭詔取滬溪美土爲馨
列侯壅培之具

媚世 退居錄蘭一名媚世

幽客 西溪叢語蘭爲幽客

事物異名錄

卷三十三

三

待女花

採蘭雜志蘭待女子同種則香故名待女花

魚子蘭

羣芳譜真珠蘭一名魚子蘭

真珠蘭

劍葉蘭

事物紺珠建蘭即劍葉蘭

建蘭

蕙

零陵香

埤雅蕙即今零陵香

鈴鈴香

鈴子香 補筆談零陵香唐人謂之鈴鈴香

亦謂之鈴子香謂花倒懸枝間如小鈴也

燕草

薰草

南越志零陵香一名燕草又名薰草

黃雲草

本草綱目蕙草一名黃雲草

萱花

鹿葱

宜男

續博物志萱草一名鹿葱一名宜男

丹棘 鹿劒 妓女 本草綱目萱草一名丹棘一名
鹿劒一名妓女

合草 輟耕錄令草宜男花也見傅元賦

護階君子 清異錄常保衡呼鹿慈爲護階君子

忘憂花 山堂肆考孟昶時梁守珍獻忘憂花鏤金於

花上曰獨立仙按謂萱也

療愁花 述異記紫萱吳人謂之療愁花

兒女花 孟郊詩萱草兒女花不解壯士憂

紫薇

怕癢花 格物總論紫薇花俗名怕癢花樹身光滑俗

因號爲猴刺脫

滿堂紅

湧幢小品紫薇一名滿堂紅

百日紅

于念東集紫薇迎秋卽放秋盡尙花俗呼百

日紅

高調客

三柳軒雜識紫薇爲高調客

紫綬花

劉禹錫詩丰茸紫綬花明麗碧天霞按謂紫

薇也

官樣花

陸游詩鐘鼓樓前官樣花按謂紫薇也

山丹

紅百合

羣芳譜山丹一名紅百合又一種番山丹高

四五尺瓣俱反捲一葉生一子名回頭見子花按紅

百合又藥名人後藥材部

紅繡毬 學圃雜疏初見閩人來賣一花云是紅繡毬
倭國中來者後至建寧見縉紳家庭中花簇紅毬儼
如剪綵名曰山丹乃知是閩人卉也

金錢

子午花 羣芳譜金錢花一名子午花以其午開子落
也

毗尸沙 剪金花 西陽雜俎金錢花本出外國名曰
毗尸沙一名日中金錢俗名剪金花

潤筆花 花史鄭榮嘗作金錢花詩夢一紅裳女子擲
錢與之曰爲君潤筆遂呼爲潤筆花

闌提花 捫蝨新語王安石以爲院落深沉杏花雨乃

似闌提花翻譯名義集闌提花此云金錢花

金榜及第花 羣芳譜夜落金錢花子改爲金榜及第花

鳳仙

金鳳 羣芳譜開花頭翅羽足俱翹然如鳳故又有金鳳之名

海蔘 小桃紅 染指甲草 羣芳譜鳳仙一名海蔘 一名小桃紅 一名染指甲草

海囊 戒菴漫筆金鳳花都下稱爲海囊

菊婢 格物叢話金鳳花張宛邱菊詩中呼爲菊婢 旱珍珠 羣芳譜鳳仙一名旱珍珠

好女兒花 花史宋光宗李后小字鳳官中避諱呼鳳

仙爲好女兒花

倒影花 羣芳譜謝長裾見鳳仙花葉上金膏以麝尾
稍染膏灑之折一枝插倒影山明年此花金色不去
今有斑點大小不同若灑金名倒影花

急性 夾竹桃 本草綱目鳳仙一名急性一名夾竹
桃

羽客 廣事類賦註鳳仙韋君呼爲羽客又道士之稱
雞冠

洗手花 花史雞冠宋洛中謂洗手花中元節兒童唱
賣以供祖先

玉樹後庭花

蘇子由詩註雞冠卽玉樹後庭花

波羅奢花

說桔雞冠花佛書謂之波羅奢花

秋海棠

八月春

採蘭雜志秋海棠一名八月春

斷腸花

羣芳譜舊傳有女子懷人不至淚灑地遂生

此花故名斷腸花

剪春羅

剪紅羅

羣芳譜剪春羅一名剪紅羅

剪秋羅

漢宮秋

羣芳譜剪秋羅一名漢宮秋

桂

木犀 閩部疏凡桂四季者有子江南桂八九月盛開
無子此木犀也

紫陽花 南部新書招賢寺僧植桂香紫可愛郡守白
公號爲紫陽花

無瑕玉花 花史無瑕嘗著素裳折桂明年開花潔白
如玉女伴折取簪髻號無瑕玉花

仙友 仙客 類書宋曾端伯謂桂爲仙友張敏叔謂
桂爲仙客

巖客 西溪叢語木犀爲巖客

九里香 墨莊漫錄木犀花湖南呼九里香

金雪 湖塘雜記滿覺衡桂花可名金雪

古香 李賀詩畫欄桂樹懸古香

珠英 李德裕詩珠英粲如綺按謂桂也

金粟 魏了翁桂詩虎頭點點開金粟又燈花名

廣寒仙 陸游木犀詩眼明初見廣寒仙

菊

黃華 禮記鞠有黃華史正志菊譜菊以黃爲正故
稱黃華

治蔞 爾雅菊治蔞

周盈 抱朴子周盈菊也

節花 女節 女華 女輩 日精 更生 金蕊

陰成 傅延年 喜容 本草綱目菊一名節花一名

女節一名女華一名女華一名日精一名更生一名金蕊一名陰成一名傳延年又名壽客

禽華 古今苑見禽華川蘆色註禽華菊也

帝女花 廣韻帝女花菊也

延齡客 仙書菊花爲延齡客

壽客 西溪叢語菊爲壽客

佳友 詞話曾端伯以菊爲佳友

冷香 羣芳譜王十朋以菊爲冷香

錦玲瓏 金玲瓏 粉玲瓏 菊譜菊一名錦玲瓏又

名金玲瓏粉玲瓏

笑靨金 清異錄侯寧極藥譜笑靨金菊花也

金剛不壞王 清異錄懿宗賞花歌曰長生白久視黃
共拜金剛不壞王謂菊花也

金花 左貴嬪菊花頌春茂翠葉秋耀金花

晚節香 韓琦詩不羞老圃秋容淡猶有黃花晚節香
霜下傑 蘇軾菊詩況此霜下傑清芬絕蘭茝

重陽花 顧瑛詩菊開重陽花對酒莫辭滿

君子花 高啟詩菊本君子花幽姿可相親又蓮花亦
名君子花

家菊 菊譜甘菊 名家菊人家種以供蔬茹 甘菊

回峯菊 本草蘇頌曰白菊穎人呼爲回峯菊 白菊

芙蓉

木蓮 拒霜 羣芳譜木芙蓉一名木蓮一名拒霜又
薛荔木蘭皆名木蓮

華木 桃木 本草綱目芙蓉一名華木一名桃木
醉客 西溪叢語芙蓉爲醉客

綺帳 廣事類賦註芙蓉一名綺帳

秋牡丹 江湖長翁集詩更與蘇隄鷗鷺約蒹葭來
牡丹秋自註俗目芙蓉爲秋牡丹

巧笑花 芮挺章詩芙蓉巧笑花

文官花 花史邛州有弄色芙蓉其色屢變人號爲文
官花又錦帶花亦名文官花

黃心菊 舊唐書白居易傳木蓮大者高四五丈巴人
事物異名錄

呼爲黃心樹

含笑

佞客 西溪叢語含笑爲佞客

月季

鬪雪紅 勝春 羣芳譜月月紅一名鬪雪紅一名勝春又勝春或作長春

癡客 西溪叢語月季爲癡客又本草綱目作瘦客

蠟梅

奇友 山堂肆考曾端伯以蠟梅爲奇友

寒客 西溪叢語蠟梅爲寒客

黃梅 范成大梅譜蠟梅原名黃梅蘇黃門命爲蠟梅

黃千葉 蘇軾雪詩青松嶺上黃千葉載酒年年踏雪
時註黃千葉蠟梅也

小黃香 楊廷秀詩來從真蠟國自號小黃香

狗蠅梅 磬口梅 檀香梅 本草綱目臘月開小花
而香淡名狗蠅梅經接而花疎開時含口者名磬口
梅花密而香濃色黃如紫檀者名檀香梅

柳花

柳絨 羣芳譜柳絮又名柳絨
狂客 西溪叢語楊花爲狂客

倡園花 江總折楊柳樂府不悟倡園花遙同羌嶺雪
按古詩楊柳動春情倡園妾屢驚故楊柳花名倡園

花

鼓子花

田客 西溪叢語鼓子花爲田客

棠梨花

梔花 丹鉛錄孝子傳尹伯奇採梔花以爲食註梔花

山梨也今名棠梨

鬼客 西溪叢語棠梨花爲鬼客

鴨腳花

碧鳳 洛陽花木記碧鳳花一名鴨腳又鴨腳葵名